



PRIMARR MË: 21-04-2017
ACC. BY: ON: 21-04-2017
PRIML. O: 21-04-2017

Nr.No.Br. 01-506



Republika e Kosovës
Republika Kosova - Republic of Kosovo
Qeveria - Vlada - Government
Ministria Infrastrukturës
Ministarstvo Infrastrukture
Ministry of Infrastructure

REPUBLIKA E KOSOVËS - REPUBLIC OF KOSOVO	
MINISTRIA E INFRASTRUKTURËS MINISTARSTVO INFRASTRUKTURE MINISTRY OF INFRASTRUCTURE	
Nr. Prot. Org. Jedinica Org. Unit	<u>KM/MI</u>
Nr. Prot. Br. Seranca No. Pages	<u>4</u>
Nr. Prot. Prot. No.	<u>176/17</u>
Data: Datum: Date:	<u>21/04/17</u>
PRISHTINË/A	

Prishtinë, 21 prill 2017

Në bazë të neneve 4, 21, 22 të Ligjit nr. 03/L-089 mbi administratën shtetërore të Republikës së Kosovës (Gazeta Zyrtare nr 82, 21 tetor 2010), si dhe në bazë të nenit 8 paragrafi 1.4 dhe Shtojcës 17 të Rregullorës nr. 02/2011 mbi fushat e përgjegjësisë administrative të zyrës së Kryeministrit dhe ministrive, nenit 25 të Ligjit mbi vetëqeverisjen lokale, si dhe Ligjit nr. 05/L-125 për buxhetin e Republikës së Kosovës për vitin 2017, lidhet ky

MEMORANDUM I MIRËKUPITIMIT PËR FINANCIMIN E PROJEKTEVE INFRASTRUKTURE NË KOMUNËN E MALISHEVËS

Neni 1 Palët Nënshkruese

- 1. MINISTERIA E INFRASTRUKTURËS**, e përfaqësuar nga Ministri i Ministrisë së Infrastrukturës, (në tekstin e mëtejme MI), dhe
- 2. Komuna e MALISHEVËS**, e përfaqësuar nga Kryetari i Komunës, (në tekstin e mëtejme Komuna).

Neni 2 Qëllimi

Qëllimi i këtij Memorandumi është financimi i projekteve infrastrukturore të cekura më poshtë si dhe përcaktimi i obligimeve të MI-së dhe Komunës për realizimin e projekteve:

- 1. Asfaltimi i rrugës në fshatin Llapqevë – Ujëvarat e Mirushës**, kodi i projektit nr.15306 në vlerë prej **250,000 €**. Ndarjet buxhetore për vitin 2017 janë 50,000 €, ndërsa vlerësimet buxhetore për vitin 2018 janë 200,000 €;
- 2. Asfaltimi i rrugës Mleqan – Ploqicë në Malishevë**, kodi i projektit nr.15321 në vlerë prej **162,000 €**. Ndarjet buxhetore për vitin 2017 janë 50,000 €, ndërsa vlerësimet buxhetore për vitin 2018 janë 112,000 €;

Neni 3 **Obligimet e MI-së**

1. MI i siguron mjetet për projektet nga paragrafi 2 i këtij Memorandumi dhe nga një kopje i dërgon Komunës.
2. Pagesat për financim të projekteve nga MI do të bëhen në pajtim me realizimin e punimeve/furnizimeve sipas kushteve të kontratës. Pagesat bëhen nga MI deri në vlerën e financimit.
3. MI cakton një zyrtar për mbikqyrjen e realizimit të projekteve nga fillimi deri në përfundim të kontratës. MI me vendim do të caktoj detyrat, përgjegjësitë dhe autorizimet e zyrtarit për mbikqyrje.

Neni 4 **Obligimet e Komunës**

1. Komuna siguron deklaratën e disponueshmërisë së mjeteve në tërësinë e vlerës së projekteve dhe një kopje e dërgon në MI.
2. Komuna obligohet ti krijoj kushtet e nevojshme për realizimin e projekteve për operatorët ekonomik, të ndërmerr të gjitha masat që kontraktuesit pa pengesë të fillojnë implementimin e projekteve me kohë si dhe të siguroj specifikacionet teknike.
3. Komuna obligohet që projektet të i zhvilloj në pajtim me Ligjin mbi prokurimin publik dhe Ligjin për Menaxhimin e Financave Publike dhe Përgjegjësiive si dhe aktet nënligjore për zbatimin e këtyre ligjeve.
4. Komuna e kryen procesin e tenderimit dhe cakton komisionin për hapjen e ofertave dhe vlerësim të tenderëve, në të cilat komisione një anëtar duhet të jetë nga ana e MI.
5. Komuna emëron projekt menaxherin/organin mbikëqyrës për realizimin e projekteve, si dhe komisionin për inspektimin final të punimeve/pranimin teknik, në të cilën komision duhet të jetë një anëtar nga MI.
6. Projekt menaxheri/organi mbikëqyrës me përgjegjësi të plotë vërteton sasinë dhe kualitetin e punëve/furnizimeve të kryera në bazë të cilave operatori ekonomik lëshon dokumentin financiar me kërkesë për pagesën e punëve/furnizimeve të kryera në bazë të kushteve të kontratës.
7. Komuna obligohet që të njofton MI-në për çdo propozim ndryshim eventual të sasisë dhe kualitetit gjatë implementimit të projekteve dhe për këtë të kërkojë pëlqimin nga MI.
 - 7.1. Komuna obligohet që në vend punishte të vendose tabelën informuese (pano) me shënimet për projektin, investitorët dhe operatorin ekonomik.

8. Komuna obligohet që për të realizuar pagesat për punët/furnizimet e kryera në nivel të financimit nga MI të kompletoj këto dokumente:

8.1. Procesverbalin e hapjes së tenderit dhe raportin e vlerësimit të tenderit (si dhe në rastet e korrigjimit të çmimeve të dorëzohen dokumentet e korrigjuara);

8.2. Kopjen e Kontratës të nënshkruar me operatorin ekonomik, së bashku me ofertën financiare, të vertetuara në bazë të origjinalit nga menaxheri i prokurimit të Komunës;

8.3. Vendimi mbi emërimin e projekt menaxherit/organit mbikëqyrës dhe komisionin e pranimit nga ana e Komunës;

8.4. Raportin e projekt menaxherit/organit mbikëqyrës/komisionit të pranimit mbi punët/furnizimet e kryera dhe të aprovuara (situacionet e aprovuara);

8.5. Faturën origjinale nga operatori ekonomik deri në lartësinë e shumës së financuar nga MI-ja dhe

8.6. Kopjen e certifikatës së biznesit, llogarinë bankare dhe letërnjoftimin e pronarit të operatorit ekonomik (nëse nuk është i regjistruar në SMIFK-Departamenti i Thesarit-Ministria e Financave).

9. Komuna duhet të ndërmarr të gjitha masat që projektet të përfundojnë në përputhje me ndarjet buxhetore sipas viteve për projektin e tillë. Pas këtij afati të gjitha obligimet kalojnë në përgjegjësi të Komunës.

10. Komuna është e obliguar të njoftoj MI-në për rrjedhat e realizimit të projekteve sipas një plani dy javor deri në përfundim të projekteve.

11. Komuna obligohet që të ndërmarrë dhe kryejë çdo lloj shpronësimi të nevojshëm për zbatimin e projekteve përfshirë procedurat dhe kompenzimin në bashkëpunim me Ministrinë e Ambinetit dhe Planifikimit Hapsinorë dhe Ministrinë e Financave.

12. Komuna është e obliguar të hartojë projektin për çdo investim infrastrukturor i cili kryhet sipas këtij Memorandumi.

Neni 5

Ndryshimet dhe ndërprerja e Memorandumit të Mirëkuptimit

1. Me pëlqimin paraprak të Ministrit të MI-së dhe Kryetarit të Komunës, ky Memorandum mund të ndryshohet dhe plotësohet.

2. MI mbanë të drejtën e ndërprerjës së shfrytëzimit të buxhetit për këtë destinim në rast se konstaton se Komuna nuk i përmbush obligimet e veta të dala nga ky Memorandum.

Neni 6
Zgjidhja e kontesteve

Palët janë pajtuar në mes veti që ky Memorandum të zgjidhet me mirëkuptim.

Neni 7
Numri i Kopjeve

Memorandumi i Mirëkuptimit është nënshkruar në katër (4) kopje, nga dy (2) kopje për secilën palë nënshkruese.

Neni 8
Pronësia e Projektit

1. Me pranim dorëzimin e punëve të kryera nga operatori ekonomik, ky investim (projekt) do të kalojë në pronësi të Komunës.
2. Ky investim regjistrohet në pronësi të Komunës në mënyrë elektronike dhe fizike në sistemin e pasurisë në Ministrinë e Financave (SMIFK).

Neni 9
Hyrja ne fuqi

Palët nënshkruese janë pajtuar që ky Memorandum i Mirëkuptimit të fillon të zbatohet nga dita e nënshkrimit.

Ministri i MI-së

Lutfi Zharku



Kryetari i Komunës

Ragip Begaj

